

大日本史

五

第十一卷	本紀
天武天皇	
第十二卷	本紀
持統天皇	

和書門	二	二	二
類	〇	〇	〇
號	二	二	二
函	一	一	一
架	〇	〇	〇
冊	五	五	五

内閣文庫	
番號	和 20258
冊數	150(5)
函號	138 105


架冊〇五
六五歴知

史傳



大日本史卷之十六

淺草文庫



本紀第十六
天武天皇
初稱大海人皇子
天智帝母弟也
生而岐嶷及壯雄拔
神武曉天文遁甲
天智帝四年十月十七日
庚辰帝不念令蘇我安

天武天皇初稱大海人皇子天智帝母弟也生而岐嶷及壯雄拔神武曉天文遁甲天智帝四年十月十七日庚辰帝不念令蘇我安

麻呂召天皇、安麻呂素與天皇善、密謂天皇曰、宜慮而言、天皇領之、既而入卧内、帝屬以後事、天皇辭曰、臣不幸多病、何能奉社稷、願陛下以天下屬皇后、立大友皇子爲儲君、臣請今日出家、爲陛下修功德、帝許之、天皇乃退入省中佛殿、踞胡床、剃髮爲僧、帝使次田生磐賜袈裟、天皇收所有兵器、悉納之官、十九日壬午、入宮拜辭、入吉野、左大臣蘇我赤兄、右大臣中臣金、大納言蘇我果安等、送至

菟道、時人謂翼虎放之也、是夕御島宮、翌日至吉野、謂舍人等曰、我今入道修行、汝曹欲修道者留、欲仕成名者歸、舍人等不敢去、及再命、半留半去、明年五月、朴井雄君來告曰、臣頃至美濃、時朝廷敕美濃尾張兩國司、差山陵役夫、令各執兵、臣意非唯爲山陵、必有事矣、若不早圖、悔無及、又有人告曰、近江京至倭京、多置斥候、命菟道守橋者、遮留舍人、運私糧者、天皇聞而惡之、曰、吾所以遁世者、

欲治病全身、永終百年也、事既如此、吾豈坐
 取亡耶、六月二十二日、壬午、遣村國男依和
 珥部君手、身毛廣、○身毛、續日本紀、作牟宜都、往諭美濃
 國司、先命安八磨郡湯沐、令多品治、發本郡
 兵、急塞不破道、二十四日甲申、天皇將赴東
 國、或諫曰、近江羣臣、畜謀已久、必告天下、梗
 塞道路、今欲徒手而東、臣恐事不就矣、天皇
 從之、欲召還男依等、乃遣大分惠尺、黃書大
 伴、逢志摩、乞驛鈴於倭留守司高坂王、因命

惠尺等曰、若不得鈴、志摩當歸報、惠尺直至
 近江、召高市大津二子、會我於伊勢、已而高
 坂王不與鈴、志摩歸白狀、是日、天皇發途入
 東國、正妃鸕野皇女輿從、草壁皇子、忍壁皇
 子、及朴井雄君、縣犬養大伴、佐伯大目、大伴
 友國、稚櫻部五百瀨、書根麻呂、書智德、山背
 小林、山背部小田、安斗智德、調淡海等二十
 餘人、女孀十餘人從焉、時事出倉卒、不遑待
 車馬、天皇步而出、途獲縣犬養大伴鞍馬騎

之比過津振川、車馬亦追至、至菟田吾城、大伴馬來田、黃書大伴後至、屯田司舍人土師馬手餉從者、過甘羅村、召獵人大伴朴本、大國等二十餘人、又徵美濃王、皆來從、掠馱米馬五十匹、使步者乘、至大野、會日暮、壞民舍籬、為炬、以前夜半過隱郡、燒驛家、呼曰天皇入東國、吏民來歸、然無一人應者、渡橫河、有黑雲竟天、廣十餘丈、天皇舉燭、親秉式占曰、此天下兩分之祥也、然我終得之乎、進至伊

賀郡、又焚驛家、還至中山、郡司等率兵數百歸之、二十五日乙酉、黎明至荊荻野、停駕進食、赴積殖山口、高市皇子率民大火、赤染德足、大藏廣隅、坂上國麻呂、古市黑麻呂、竹田大德、膽香瓦安倍、自鹿深來會、進經大山、至伊勢鈴鹿、野○宇治拾遺載天皇微服獨出吉野、備嘗艱苦、田原里人獻栗、志摩土人進水、洲服女子匿天皇等事、源平盛衰記亦載鈴鹿老翁匿天皇、不破土豪役使天皇等事、皆誕妄附會、諸國司守三宅石床、介書所不載、今並不取、三輪子首、湯沐令田中足麻呂、高田新家等

大正 卷十一 神皇正統記 三

來會發兵五百塞鈴鹿山道天皇進至川曲
 坂下會日暮正妃疲勞停駕少時夜暄欲雨
 乃發既而雷雨暴寒衆皆凍疲至三重郡焚
 屋一間以燠之二十六日丙戌晨至朝明郡
 迹太川上望拜天照大神大津皇子率大分
 惠尺難波三綱駒田忍人山邊安麻呂小墾
 田猪手埜部眠枳○眠本書作賦今據卜部
 兼永本及釋日本紀訂之
 大分稚臣根金身漆部友背等來會村國男
 依亦來報發兵三千塞不破道天皇褒之乃

命高市皇子監不破軍事皇子往居和斲遣
 山背部小田安斗阿加布於東海稚櫻部五
 百瀨土師馬手於東山發兵○釋日本紀引
 私記曰安斗智
德口記云令是夜天皇次桑名郡帝大友遣
發信濃兵書藥忍坂大麻呂等徵東國兵藥等至不破
 高市皇子伏兵虜之二十七日丁亥天皇入
 不破尾張國司守小子部鉏鉤率衆二萬來
 歸天皇大喜分遣其兵守諸道進至野上高
 市皇子來迎天皇撫背褒慰因命總統軍事

於是造行宮于野上而居焉。是夜大雷雨。天皇祈曰：天神地祇祐我，則雷雨息。言訖即息。二十八日戊子，如和蹇視軍。己丑晦，又如和蹇。即日還。大伴吹負與倭京留守司坂上熊毛及漢直等謀，奪飛鳥寺營，殺其將穗積百足、擒穗積百枝、物部日向、招降留守司高坂王、稚狹王，遣大伴安麻呂等來報。天皇大悅，即就拜吹負為將軍。三輪高市麻呂、賀茂蝦夷及諸豪傑相率歸吹負。七月庚寅朔，吹負

發軍赴乃樂，分遣裨將守龍田、大坂、石手、三道坂。本財等赴龍田，次平石野。近江兵在高安城，望風自燒，積聚而遁。財等進入之。二日辛卯，遣紀阿閉麻呂、多品治、三輪子首，置始菟。將兵數萬，自伊勢大山赴倭村國。男依書根麻呂和珥部君手，膽香瓦安倍將兵數萬，自不破向近江。衆皆以赤為幟，別命多品治率兵三千，屯荻野。田中足麻呂守倉歷道，近江將山部王蘇我果安、巨勢人將兵數萬。

將襲不破軍犬上川自潰而逃羽田八國以
族來降因授斧鉞拜將軍北入越近江將壹
岐韓國攻高安坂本財出城戰于衛我河西
不克時紀大音守懼坂道財等退與之合先
是近江兵衝玉倉部邑天皇使出雲狛擊卻
之四日癸巳大伴吹負與大野果安戰于乃
樂山敗走五日甲午近江別將田邊小隅夜
襲倉歷田中足麻呂棄營脫走六日乙未小
隅又襲荊荻野多品治邀擊走之七日丙申

村國男依等與近江軍戰于息長橫河破之
斬其將境部藥九日戊戌男依擊秦友足於
烏籠山斬之是日東道將軍紀阿閉麻呂等
聞吹負敗遣置始菟赴援遇吹負于墨坂進
屯金網井軍復振與壹岐韓國戰于葦池上
破走之吹負分軍三道並進自當中道近江
別將廬井鯨率兵來犯吹負兵連射鯨不得
進會上道將三輪高市麻呂置始菟大破近
江軍于箸陵乘勝斷鯨軍後鯨驚顧潰走倭

地盡定、十三日壬寅、村國男依等進戰于安河上、獲社戶大口、土師千島、十七日丙午、又擊粟太軍克之、二十二日辛亥、諸將進至瀨田、近江軍張陳于橋西、撤板拒守、大分稚臣挺身直進、衆兵踵之、近江軍敗績、男依等進軍粟津岡下、將軍羽田八國率出雲狛、攻三尾城下之、二十三日壬子、男依與近江軍戰于粟津市、斬其將犬養五十君、谷鹽手、於是近江軍潰散、二十四日癸丑、諸將會筱浪、搜

捕左右大臣以下、二十六日乙卯、諸將詣不破宮奏捷、八月二十五日甲申、命高市皇子、科近江羣臣罪狀、右大臣中臣金處斬、左大臣蘇我赤兄、大納言巨勢人、并其子孫、及中臣金子、蘇我果安子、悉配流、其餘釋而不問、二十七日丙戌、賞諸功臣、九月八日丙申、天皇發不破還桑名、十二日庚子、至倭京、居島宮、十五日癸卯、遷岡本宮、十二月四日辛酉、賞諸有功臣、量授小山位以上、是歲、營宮室

于岡本宮南、號飛鳥淨見原宮、○按本書十五年七月、改

元朱鳥、仍名宮曰飛鳥淨見原宮、據此是時

未有飛鳥宮號、而明年二月、亦云即帝位于

蓋追稱之也、原宮、新羅貢調、

元年癸酉、○按本書以壬申年為元年、今以

皇即位元年、故與本書差一年、又按藥師寺

塔銅擦有銘、相傳舍人親王書、其文曰、維清

原宮、馭宇天皇即位八年庚辰、之歲、據此則

當時實以是歲即位、紀元審矣、如本書以壬

申為元年、直欲以天武接春正月七日癸巳、

天智之統、故致此曲筆耳、

賜宴羣臣、二月二十七日癸未、即天皇位於

飛鳥淨見原宮、是為天淳中原瀛真人天皇、

立正妃鸕野皇女為皇后、乙酉晦、賜功臣爵

有差、三月十七日壬寅、備後國司獲白雉於

龜石郡、以獻、敕免本郡課役、大赦天下、是月、

始寫大藏經於川原寺、夏五月乙酉朔、詔曰、

凡出身者、先任大舍人、然後選簡才能、以充

職、婦女欲進仕者、聽之、其考選准官人例、閏

六月八日壬辰、耽羅王遣其子久麻藝、都羅

宇麻朝貢、十五日己亥、新羅遣二使、賀登極、

-5 160 35 850" data-label="Text">

弔天智帝喪、○本書註或秋七月、始置不破

關秋七月以下一代八月二十日癸卯高麗

貢調冬十二月五日丙戌以侍奉大嘗賜中

臣忌部及神官播磨丹波二國郡司以下役

夫等物有差賜郡司等爵各一級○本書不書行大嘗

蓋闕十七日戊戌以小紫美濃王小錦下紀

堅麻呂為造高市大寺司○本書註今大寺是也

二年甲戌春三月七日丙辰對馬始貢白金

獻諸神祇頒賜小錦以上大夫授其國司守

忍海大國小錦下秋八月三日庚辰遣忍壁

皇子於石上神宮整理神寶神府所藏諸家

寶器悉還附其子孫冬十月遣大來皇女侍

伊勢神宮香山新出地林

三年乙亥春正月丙午朔大學寮諸學生陰


陽寮外藥寮及舍衛女墮羅女百濟善光新

羅人等獻藥及奇貨二日丁未皇子以下百

寮拜朝三日戊申百寮初位以上獻薪五日

庚戌始起占星臺七日壬子賜宴羣臣十七

日壬戌公卿大夫及百寮初位以上射於西



門庭是日、大倭上瑞鷄、東國上白鷹、近江上白鴟、二十三日戊辰、奠幣諸社、二月九日癸未、敕大倭河內攝津山背播磨淡路丹波但馬近江若狹伊勢美濃尾張等國、選百姓善謳男女、及侏儒伎人以貢、十五日己丑、詔除甲子歲所賜諸氏部曲、及所賜親王諸王以下羣臣諸寺、山澤浦嶼、林野陂池、二十三日丁酉、行幸高安城、是月、新羅王遣其子忠元等入貢、三月十六日庚申、以粟隈王爲兵政

官長、小錦上、大伴御行爲大輔、是月、高麗新羅貢調、夏四月五日戊寅、召僧尼二千四百餘只、設大齋、九日壬午、詔諸國貸稅、自今以後、明審百姓貧富、簡定三等、中戶以下欲貸者許之、十日癸未、遣小紫美濃王、小錦下佐伯廣足於龍田立野、祭風神、遣小錦中間人大蓋、大山中曾禰韓大於廣瀨河曲、祭大忌神、○按風神大忌祭、是後爲常制、故不書、十七日庚寅、詔禁諸獵漁者造檻、竄施機槍、四月至九月、設比滿

沙伎理梁及食牛馬鷄犬猿若有犯者罪之

十八日辛卯三位麻績王有罪流于因幡萬

葉集流伊勢伊良虞島二子於伊豆島血鹿島二十三

日丙申簡才藝者賜物有差秋七月七日己

酉遣使新羅以小錦上大伴國麻呂為大使

小錦下三宅入石為副使八月二十二日癸

巳大風是月耽羅王使其子久麻伎入貢冬

十月三日癸酉遣使四方求大藏經十日庚

辰賜宴羣臣十六日丙戌筑紫獻唐人三十

口處之遠江二十日庚寅詔諸王以下初位

以上每人備兵是日相模言高倉郡女子一

產三男十一月三日癸卯夜有人登宮東岳

妖言自刎因賜宿直者爵一級是月地大動

○一代要記曰是歲始行除日

四年丙子春正月庚子朔百寮拜朝四日癸

卯賜高市皇子以下小錦以上大夫衣袴褶

腰帶脚帶及几杖但小錦三階不賜几七日

丙午賜小錦以上大夫物各有差十五日甲

寅初位以上獻薪、因賜宴、

○按前年正月三日百寮獻薪、據年

中行事、公事根源、後世正月十五日獻薪、蓋始于此、故是後不書、

十六日乙

卯、射于西門庭、中的者賜物有差、是日、天皇

宴島宮、二十五日甲子、詔凡諸國司選大山

位已下任之、但畿內及陸奧長門二國司不

在此限、二月、大伴國麻呂等至自新羅、夏四

月四日辛丑、大倭添下郡人鰐積吉事獻瑞

雞、飽波郡言、雌鷄化為雄、十四日辛亥、敕諸

王諸臣之封戶在西國者、改於東國給之、又

敕諸國臣連伴造國造之子、及庶各有才能

而欲伴進者、並聽之、五月三日庚午、按諸國

司輸調殿最科罪、七日甲戌、下野飢、百姓請

賣子、國司奏狀、不聽、是月、敕禁南淵山細川

山芻蕘、重禁畿內山野濫樵蘇、是夏大旱、五

穀不登、百姓飢乏、遣使四方、奉幣神祇、使僧

尼禱三寶、請雨、秋七月二日戊辰、進卿大夫

及百寮爵各有差、是月、長星見東方、八月二

日丁酉、賜親王以下小錦以上大夫及皇女

姬王內命婦等食封各有差十六日辛亥詔諸國行大解除因課國造郡司輸被柱十七日壬子赦死刑沒官三流並降一等徒罪以下已發覺未發覺悉赦之但既流者不在赦例是日詔諸國放生九月丙寅朔雨不告朔十日乙亥給兵器於京畿男夫十二日丁丑筑紫太宰屋恒王有罪流於土左十三日戊寅賜百寮及蕃客物有差冬十月乙未朔置酒宴羣臣三日丁酉奠幣帛於新嘗諸神十

日甲辰遣使新羅以太乙上物部麻呂為大使大乙中山背百足為副使十月乙丑朔以新嘗事不告朔三日丁卯新羅遣使貢調請政肅慎人從之來朝十九日癸未詔近京諸國放生二十日甲申遣使諸國講金光明經仁王經二十三日丁亥高麗朝貢是歲將都新城不果五年丁丑春正月十七日庚辰射于南門自○是以後本書比年書十七日二月癸巳朔物射其為恒例明矣故不書

部麻呂還自新羅是月敕山背營賀茂神宮

敕以下、年中行事引右官史記夏四月十一日壬寅村田名

倉坐指斥乘輿流於伊豆島五月壬戌朔不

告朔○本書不七日戊辰新羅人漂著血鹿

島是月旱京畿雩六月十四日乙巳地大震

是月詔東漢直等曰汝等族類嘗犯七罪自

小墾田朝至近江朝每議其事朕今將覈汝

等罪狀以處刑法而不忍盡滅其門故降大

恩以原之自今而後若有犯者必罰無赦秋

八月十五日乙巳設齋於飛鳥寺讀大藏經

天皇御寺南門禮三寶豫詔親王諸王及羣

卿各賜度者一人二十八日戊午耽羅王遣

其子都羅朝貢冬十月十四日癸卯以內小

錦上河邊百枝為民部卿內大錦下丹比麻

呂為攝津職大夫十一月己未朔雨不告朔

筑紫太宰獻赤烏太宰府諸司及本郡郡司

賜物進爵有差其獲赤烏人賜爵五級郡中

百姓給復一歲大赦天下十二月己丑朔雪

不告朔、六年戊寅春將祭天神地祇使天下悉被起齋宮於倉梯河上夏四月七日癸巳將幸齋宮會十市皇女薨事遂寢十三日己亥震新宮西廳十四日庚子車駕臨十市皇女葬秋九月忍海能麻呂獻瑞稻赦徒罪以下冬十月甲申朔有物如綿降于難波時人謂之甘露二十六日己酉詔定文武官考績進階之制十二月二十七日己卯臘子鳥羣飛蔽天

是月筑紫地大震民屋多倒七年己卯春二月壬子朔高麗貢調四日乙卯將以辛巳歲大閱詔親王諸臣及百寮豫畜養兵馬是月大賑窮民三月七日丁亥行幸越智謁後岡本天皇陵二十二日壬寅賜貧乏僧尼綿布夏五月五日甲申行幸吉野宮六日乙酉天皇與皇后諸皇子盟七日丙戌車駕還宮六月庚戌朔雨雹二十三日壬申秋七月六日甲申又雩八月己酉朔詔

諸氏貢女、十一日己未行幸泊瀨、宴于迹、驚淵上、先是詔王卿騎乘之外、別養細馬、至是觀其馳驅於迹、見驛、二十二日庚午、縵忍勝獻嘉禾、冬十月二日己酉、詔曰、朕聞頃日暴惡者多在里巷、或容忍不治、或蔽匿不正、是王卿等之過也、自今以後、嚴加捉搦、勿有倦怠、十一日戊午、地震、十七日甲子、新羅貢調、十一月十四日庚寅、地震、二十三日己亥、以大乙下倭馬飼部連為大使、小乙下上光欠

為小使、遣多禰島、各賜爵一級、是月、始置龍田山、大江山二關、築羅城於難波、十二月二日戊申、以嘉禾瑞、賜親王諸臣百寮物、各有差、赦大辟以下、是歲、紀伊獻芝、因幡獻瑞稻、八年庚辰、春正月八日甲申、天皇御向小殿、宴王卿於大殿庭、二十日丙申、攝津言、活田村桃李實、二月十八日癸亥、東方有聲如鼓、二十六日辛未、有人獻獸角、角上有肉、時人以為麟角、三月十日乙酉、攝津獻白巫鳥、二

十三日戊戌、行幸菟田、吾城、夏四月十一日、
乙卯、橘寺火、五月乙亥朔、敕賜京内二十四
寺、絕綿絲布、各有差、是日、始講金光明經於
宮中、及諸寺、十三日丁亥、高麗朝貢、六月八
日辛亥、雨灰、秋七月五日戊寅、臨犬養大伴
家、問其疾、是日雩、十日癸未、有朱雀集于南
門、八月五日丁未、法官獻嘉禾、大水、十四日
丙辰、大風折樹發屋、九月九日辛巳、行幸朝
孀、觀大山位、以下馬於長柄、因命騎射、二十

三日乙未、地震、冬十月四日乙巳、賑給京内
僧尼百姓貧乏者、絕綿布、有差、十一月壬申
朔、日有食之、三日甲戌、夜東方明、戌至子、七
日戊寅、詔百官、凡有利國家濟百姓之術者、
詣闕聞奏、十日辛巳、雷、十二日癸未、以皇后
不豫、爲創藥師寺、度一百僧、赦囚、二十四日
爲味、新羅貢調、二十六日丁酉、天皇不豫、度
一百僧、尋愈、辛丑晦、臘子鳥羣飛蔽天、
九年辛巳、春正月二日壬申、奠幣諸神祇、七

日丁丑、天皇御向小殿、會親王諸王於內安殿、諸臣於外安殿、置酒張樂、十九日己丑、詔畿內及諸國、繕修神社、二月二十五日甲子、天皇與皇后御大極殿、詔親王諸王羣臣曰、朕方欲定律令、改法式、卿等宜共修是事、然頓就是務、恐公事有關、宜分人爲之、是日立草壁皇子爲皇太子、攝萬機、三月十七日丙戌、天皇御大極殿、詔川島皇子、忍壁皇子、廣瀨王、竹田王、桑田王、三野王、大錦下上毛野

三千、小錦中忌部首、小錦下阿曇稻敷、難波大形、大山上中臣大島、大山下平羣子首、撰帝紀及上古事、二十一日庚寅、地震、夏四月三日辛丑、設禁式九十二條、定親王至庶人服色制度、五月十一日己卯、祭皇祖御魂、是日、詔曰、頃者百寮、黃緣宮人、私爲請託、納賄結好、執禮過卑、自今以後、有如此者、隨事罪之、六月十七日乙卯、雩、二十四日壬戌、地震、秋七月戊辰朔、朱雀見、四日辛未、以小錦下

采女筑羅為大使、當摩楯為小使、遣於新羅、
 小錦下佐伯廣足為大使、小墾田麻呂為小
 使、遣於高麗、丁酉晦、敕天下大祓、國造等各
 出祓柱奴婢一口、八月十日丙子、詔三韓投
 化民嚮復十年、今期限既過、其始至者之子
 孫、並免課役、十六日壬午、伊勢獻白茅鴟、二
 十日丙戌、遣多禰島使歸、獻其地圖、九月五
 日辛丑、周芳獻赤龜、放之島宮池、八日甲辰、
 敕凡諸氏有氏上未定者、各定之、申送于理

官、十六日壬子、彗星見、十七日癸丑、熒惑入
 月、冬十月丙寅朔、日有食之、六日癸未、地震、
 二十日乙酉、新羅貢調、二十五日庚寅、詔大
 山以下小建以上、各陳意見、是月、廣瀨野行
 宮成、十一月二日丁酉、地震、
 十年壬午、春正月十九日癸丑、地動、三月甲
 午朔、使小紫三野王、及宮內官大夫等、相新
 城地、七日庚子、地震、十三日丙午、敕境部石
 積等造新字四十四卷、十六日己酉、行幸新

城二十八日辛酉詔停諸王諸臣著位冠又
詔停親王以下食封悉納之官夏四月二十
一日癸未筑紫太宰丹比島等獻大鐘二十
二日甲申越蝦夷伊高岐那等請以俘戶七
千○本書一本別置一郡奏可二十三日乙
酉詔令男女悉結髮五月十六日戊申佐伯
廣足等還自高麗六月壬戌朔高麗朝貢秋
七月三日甲午隼人來貢方物使大隅隼人
與阿多隼人相撲十七日戊申地震二十七

日戊午信濃告備並言隕霜大風五穀不登
八月壬戌朔敕親王以下羣臣各陳法式可
施於時者三日甲子昏有大星自東流于西
五日丙寅定法令殿內虹見十一日壬申空
中有物如幡火色北流諸國皆見是日白氣
起於東山十二日癸酉地大動十七日戊寅
地震是日平旦虹見中天二十二日癸未定
禮儀言語之制詔曰凡應考選者審檢其族
姓景迹而後考之若族姓未明者雖有行能

不在考選之例、二十八日己丑、以日高皇女疾、赦大辟以下男女一百九十八人、庚寅晦、度僧一百四十餘人於大宮大寺、九月二日壬辰、敕自今以後、停跪禮匍匐禮、更用難波朝廷之立禮、冬十月八日戊辰、大酺、

十一年癸未、春正月二日庚寅、百寮拜朝、筑紫太宰丹比島獻三足雀、七日乙未、宴親王以下羣臣于大極殿觀雀、十八日丙午、詔曰、朕聞行政之理、協于天、則祥瑞應之、朕登鴻

祚以來、祥瑞荐臻、一則以懼、一則以喜、當與天下共享斯慶、小建以上賜物有差、赦大辟以下、免百姓課役、是日、奏小墾田舞及三韓樂於殿前、二月己未朔、詔大津皇子始聽朝、政、夏四月十五日壬申、詔用銅錢、是夏始召僧尼安居于宮中、秋七月四日己丑、臨鏡姬王第問疾、十五日庚子、雩、十八日癸卯、車駕巡幸京師、八月五日庚申、大赦天下、是月、以久不雨、使百濟僧道藏祈之、九月二日丙戌、

大風、冬十月十三日丁卯、獵于倉梯、十一月四日丁亥、詔諸國習陣法、十三日丙申、新羅貢調、十二月十三日丙寅、遣五位伊勢王、大錦下羽田八國、小錦下多品治、中臣大島、及判官錄史工匠、巡行天下、定諸國疆域、十七日庚午、詔曰、凡文武官及畿內有位者、當以四孟月朝參、若嬰疾不朝者、官司具記、以送法官、天皇欲建都於難波、詔百寮各就擇宅地、

十二年甲申、春正月二十三日丙午、天皇御東庭、召善射者及侏儒左右舍人等射、二月二十八日庚辰、遣淨廣肆廣瀨王、小錦中大伴安麻呂、及判官錄事陰陽師工匠等於畿內、三野王、小錦下采女筑羅等於信濃、相建都之地、三月九日辛卯、車駕巡幸京師、定宮室之地、夏四月五日丙辰、赦徒罪以下囚、二十日辛未、遣使新羅、小錦下高向麻呂為大使、小山下都努牛飼為小使、閏月五日丙戌、

詔令百寮肄進止威儀、又詔曰、凡政之要在軍事、文武官務習武藝、其兵馬器械、儲蓄勿闕、有馬者為騎士、無馬者為步卒、朕當以時檢閱、若忤詔旨、習練不精者、親王以下至諸臣、必罰、大山以下、當罰、罰之、當杖、杖之、其勤習精練者、雖死罪減二等、但恃已才而故犯者、不在赦例、十一日壬辰、三野王等獻信濃國圖、十六日丁酉、設齋宮中、因赦有罪舍人等、五月十四日甲子、安置百濟歸化僧俗男

女二十三人於武藏、二十八日戊寅、遣使高麗、三輪引田難波麻呂為大使、桑原人足為小使、六月四日甲申、雩、秋七月四日癸丑、行幸廣瀨、二十三日壬申、彗星見西北、冬十月己卯朔、詔改天下諸氏族姓、定為八等、三日辛巳、遣伊勢王等定諸國疆域、是日、遣使耽羅、縣犬養手繼為大使、川原加尼為小使、十四日壬辰、京師諸國地大震、山崩川溢、人畜多死、伊豫溫泉壅、土左田圃五十餘萬頃陷

為海是夜東方有聲如鼓伊豆島西北海中
 自成一島長三百餘丈十一月三日庚戌土
 左國司言海潮暴溢貢運船多沒二十一日
 戊辰隕星于東北七二十三日庚午○水鏡
係明年
 十月酉時隕星于東方大如盆戌時星隕如雨
 是月有星孛于昴十二月六日癸未新羅送
 入唐學生土師甥白猪寶然及百濟之役沒
 唐者猪使子首筑紫三宅得許至筑紫十三
 日庚寅赦死刑以求囚○水鏡元亨釋書並
是冬天皇不豫皇

太子奉敕率百官禱于大
官大寺天皇感夢而愈
 是歲詔伊賀伊勢

美濃尾張四國調役自今以後易歲而免之
 倭言葛城下郡生四足鷄丹波言氷上郡生
 十二角犢

十三年乙酉春正月二日戊申百寮拜朝二
 十一日丁卯改爵位號增加階級諸王以上
 十二階諸臣四十八階是日授皇太子淨廣
 壹大津皇子淨大貳高市皇子淨廣貳川島
 皇子忍壁皇子並淨大參諸王諸臣進爵位

各有差、二月四日庚辰、賜唐人百濟人高麗人一百四十七人爵位、三月、信濃雨灰、草木皆枯、夏四月四日己卯、紀伊言牟婁温泉壅、五月五日庚戌、射於南門、車駕行幸飛鳥寺、二十六日辛未、高向麻呂都努牛飼等還自新羅、秋七月二十六日庚午、定明位以下進位以上朝服色、二十七日辛未、詔免東山道美濃以東東海道伊勢以東諸國有位者課役、八月十二日乙酉、行幸淨土寺、十三日丙

戌、行幸川原寺、賜衆僧稻、二十日癸巳、縣犬養手繼等還自耽羅、九月九日壬子、宴於舊宮安殿庭、是日、賜皇太子以下諸皇子布各有差、十日癸丑、始奉神寶於伊勢兩大神宮、十日以下園太曆延文二年引神宮舊記、○按寶基本紀云、是時詔每二十年改造兩大神宮、行遷宮儀、著為永式、延曆儀式、延喜式等書、亦載每二十年修造之文、而不載年月、姑附、十一日甲寅、分遣宮處王、廣瀨王、難波王、竹田王、彌努王於京畿、檢民間兵器、十五日戊午、遣直廣肆都努牛飼于東海、石川蟲

名于東山、佐味少麻呂于山陽、巨勢粟持于山陰、直廣參路迹見于南海、直廣肆佐伯廣足于筑紫、各副以判官一人、史一人、巡省風俗、問察國司郡司治狀、十八日辛酉、御大安殿、召王卿博戲殿前、十九日壬戌、賜皇太子及王卿等四十八人羶皮山羊皮各有差、二十日癸亥、三輪引田難波麻呂等還自高麗、二十四日丁卯、天皇不豫、誦經於大官川原、飛鳥三寺三日、賜稻有差、冬十月、將幸于東

間溫泉、十日壬午、遣輕部足瀨、高田新家、荒田尾麻呂於信濃、造行宮、十二日甲申、令淨大肆泊瀨王、直廣肆巨勢馬飼等、監掌畿內役、十七日己丑、遣伊勢王等於東國、十一月二日甲辰、輸鐵一萬斤於周芳總領所、又輸鐵一萬斤、箭幹二千連、及絕絲布於筑紫、太宰、以充儲峙、四日丙午、詔禁諸國大角小角、鼓吹幡旗弩枕之類藏私家、咸收入郡廨、六日戊申、行幸白錦後苑、二十七日己巳、新羅

遣使貢獻請政、十二月十日辛巳、地震、
朱鳥元年丙戌、春正月二日癸卯、御大極殿、
賜宴王卿、九日庚戌、召三綱、律師及大官、大
寺知事、佐官僧、飯于宮中、十四日乙卯、難波
宮火、十六日丁巳、御大安殿、宴諸王卿、賜絁
綿布有差、十七日戊午、宴于後宮、十八日己
未、大酺、是日御御窟殿、賜倡優及歌謠者物
有差、十九日庚申、地震、二月五日乙亥、授國
司有功者九人勤位、三月十日庚戌、雪、夏四

月十九日戊子、新羅貢調、五月二十四日癸
亥、天皇不豫、說藥師經于川原寺、安居于宮
中以禱焉、是月大赦天下、六月二日庚午、授
工匠陰陽師侍醫入唐學生等三十四人爵
位、七日乙亥、加諸司有功者二十八人爵位、
十日戊寅、卜天皇疾、草薙劔爲祟、因還納於
尾張熱田社、十二日庚辰、雩、十六日甲申、遣
伊勢王等于飛鳥寺禱病、十九日丁亥、遣百
官于川原寺然燈供養、設大齋悔過、秋七月

三日辛丑、詔諸國大祓、四日壬寅、減天下戶調之半、徭役悉蠲、五日癸卯、奉幣於國懸飛鳥住吉、八日丙午、召一百僧於宮中、讀金光明經、十日戊申、民部省災、十五日癸丑、詔天下事無大小、悉啓皇后及皇太子、是日大赦、十九日丁巳、詔天下貧民逋負、在乙酉年十二月三十日以前者、不問公私、一切蠲除、二十日戊午、建元朱鳥、因名宮曰飛鳥淨見原宮、二十八日丙寅、度淨行者七十人、設齋於

御窟院、是月、諸王羣臣造觀世音像、說觀世音經於大官大寺、以禱天皇疾、八月己巳朔、度八十人、二日庚午、度男女一百人、安百菩薩像於宮中、讀觀世音經二百卷、九日丁丑、禱天皇疾於神祇、十三日辛巳、遣秦石勝奉幣於土左大神、九月九日丙午、天皇崩于正殿、○本書享年闕、一代要記、皇胤紹運錄並曰、壽六十五、二十四日辛酉、殯于南庭、葬大内陵、○延喜式曰、追謚曰天武天皇、

四年十月、從天武帝入吉野、及帝舉兵、每與定謀議、帝即位、立為皇后、每議政事、多所毗輔、朱鳥元年、帝疾劇、敕天皇及皇太子、同決機務、九月、帝崩、天皇臨朝稱制、冬十月二日、己巳、大津皇子謀叛發覺、敕捕大津及其黨三十餘人、三日庚午、大津皇子賜死、丙申晦、詔曰、皇子大津謀反、今已伏誅、其被誣誤吏民、皆悉赦之、唯礪杵道作流于伊豆、又詔、新羅沙門行心與皇子大津謀反、不忍加法、徙

飛驒伽藍、十一月十七日癸丑、地震、十二月

十九日乙酉、為大行天皇

○本書書天淳中原瀛真人天皇、而

三年五月責新羅使詔書、設無遮大會於大

行天皇、今據之、下倣此、官、飛鳥、川原、小墾田、豐浦、坂田諸寺、二十六

日壬辰、賜京師高年孤獨布帛、各有差、閏月、

筑紫太宰獻三韓男女僧尼六十二人、是歲、

蛇犬相交而死、

元年丁亥、

○按愚管鈔、皇代略紀等書、天武帝崩後、猶存朱鳥年號者七年、本

書以今年為元年、不繫朱鳥、而天皇以四年庚寅即位、今當以即位年為元年、然八年三

月詔曰、粵以七年歲次癸巳、云云、據此文、則當時以是歲紀元明矣、故今從之、春正月丙寅朔、皇太子率公卿百寮、詣殯宮舉哀、五日庚午、復如之、十五日庚辰、賜京師年八十以上、及篤癯貧不能自存者、絀綿各有差、十九日甲申、遣直廣肆田中法麻呂、追大貳守刈田等於新羅、赴大喪、三月十五日己卯、置高麗投化者五十六人於常陸、二十二日丙戌、置新羅投化者十四人於下毛野、夏四月十日癸卯、置筑紫太宰所獻新羅投化者

二十二人於武藏、五月二十二日乙酉、皇太子率公卿百僚、舉哀於殯宮、隼人大隅阿多魁帥各領其衆奉誅、六月二十八日庚申、赦秋七月二日甲子、詔曰、凡負債在乙酉年以前者、莫收息、若既役身者、勿量息而役之、九日辛未、賞賜隼人大隅阿多魁帥等三百三十七人、各有差、八月五日丙申、嘗于殯宮、是日、御青飯、二十八日己未、以大行天皇御衣裁為袈裟三百、遣直大肆藤原大島、黃書大

伴於飛鳥寺、頒賜三百僧、九月九日庚午、設
國忌齋於京師諸寺、十日辛未、設齋殯宮、二
十三日甲申、新羅王遣其子霜林等、獻調賦
請國政、冬十月二十二日壬子、皇太子率公
卿百寮、國司國造等、築大內陵、十二月三日
癸巳、爲天智帝設法會於崇福寺、永爲國忌、
十二月以下、江家
次第、公事根源、
二年戊子、春正月庚申朔、皇太子率公卿百
寮、舉哀殯宮、八日丁卯、設無遮大會于藥師

寺、二月十六日乙巳、詔自今以後、國忌日設
齋、夏六月十一日戊戌、詔天下極刑、減罪一
等、輕罪悉赦、免天下今年調賦之半、秋七月
十一日丁卯、大雩、二十日丙子、命百濟僧道
藏請雨、是日大雨、八月十日丙申、嘗於殯宮
而舉哀、十一日丁酉、命淨大肆伊勢王、奉宣
葬儀、二十五日辛亥、耽羅貢獻、冬十一月十
一日乙丑、葬天武天皇、十二月十二日丙申、
賜食蝦夷二百十三人於飛鳥寺、授位賜物

有差

三年己丑春正月甲寅朔御前殿受朝賀

日乙卯大學寮獻杖八十七日庚申宴公卿

賜袍袴

○七日節會是歲至九年本書每九年必書蓋為恒式故此後不書

日壬戌詔使出雲國司上送蕃人遭風浪者

筑紫太宰粟田真人獻隼人一百七十四人

十六日己巳饗百官十八日辛未行幸吉野

宮二十一日甲戌還宮二月二十六日己酉

以淨廣肆竹田王直廣肆土師根麻呂大宅

麻呂藤原史務大肆當麻櫻井穗積山守中

臣麻呂巨勢多益須大三輪安麻呂為判事

三月二十四日丙子大赦天下但常赦所不

免不在赦限夏四月八日庚寅置新羅投化

者於下毛野十三日乙未皇太子薨二十日

壬寅新羅遣使吊喪五月二十二日甲戌敕

土師根麻呂責新羅失禮卻其貢獻六月壬

午朔賜筑紫太宰衣裳二日癸未以施基皇

子直廣肆佐味宿那麻呂羽田齊勤廣肆伊

余部馬飼調老人務大參大伴手拍巨勢多
益須等爲撰善言司十九日庚子賜唐人續
守言薩弘恪等稻有差二十九日庚戌班令
二十二卷於諸司秋七月十五日丙寅詔左
右京職及諸國司築射場二十日辛未河內
人柏原廣山僞稱兵衛兵衛生部虎捕之乃
流廣山于土左授虎位追廣參八月二日壬
午百官會神祇官奉宣天神地祇事四日甲
申行幸吉野宮十六日丙申攝津武庫海一

千步紀伊阿提郡那耆野伊賀伊賀郡身野
各二萬頃置吏禁漁獵準河內大鳥郡高脚
海十七日丁酉賞賜公卿有差二十一日辛
丑詔伊豫總領田中法麻呂放讚吉所獻白
燕二十三日癸卯觀射閏月十日庚申詔諸
國司以今年冬造戶籍因糺捕浮浪限以九
月每國點其民四分之一講習武事九月十
日己丑遣直廣參石上麻呂直廣肆石川蟲
名等於筑紫齋位記且監新城冬十月十一

日庚申、行幸高安城、十一月丙戌、○本書曰十一月己

丑朔、推甲子、是月無丙戌、據十月庚戌朔、己丑蓋己卯之訛、丙戌八日也、褒追廣

貳高田石成、閑三兵賜物、十二月八日丙辰、

禁雙六、今平冬盡、又禁四升、禁六升、

四年庚寅、春正月戊寅朔、天皇即位、是為高

天原廣野姬天皇、物部麻呂樹大盾、神祇伯

中臣大島讀天神壽詞、忌部色夫智上、神璽

劔鏡、百官列拜、二日己卯、公卿百寮拜朝、如

元會儀、三日庚辰、賜宴公卿、十七日甲午、大

赦天下、但常赦所不免、不在赦例、賜有位人

爵一級、鰥寡孤獨篤癯貧不能自存者、賜稻

除調役、二十日丁酉、以解部一百人并刑部

省、二十三日庚子、班幣於畿内神祇、增神戶

田地、二月五日壬子、行幸腋上陂、觀公卿大

夫馬、十一日戊午、新羅人五十口投化、十七

日甲子、行幸吉野宮、十九日丙寅、設齋禁内、

二十五日壬申、置新羅投化者十二人於武

藏、三月二十日丙申、賜京畿年八十以上者

稻人二十束、有位者加布二端、夏四月七日
癸丑、賜京畿者老男女五千餘人、稻人二十
束、十四日庚申、詔百官及畿內人、有位者限
六年、無位者限七年、考其上日、定爲九等、其
四等以上、依考仕令、量其功能、殿最、氏姓大
小、以授冠位、定服色八等、二十二日戊辰、祈
雨、五月三日戊寅、行幸吉野宮、十日乙酉、百
濟男女二十一人投化、十五日庚寅、始於內
裏安居講說、六月六日辛亥、行幸泊瀨、二十

五日庚午、召有位者、使言其位次、年齒、秋七
月丙子朔、公卿百寮始著新制朝服、三日戊
寅、班幣神祇、五日庚辰、以高市皇子爲太政
大臣、多治比島爲右大臣、十四日己丑、賜絲
綿布於七寺安居僧三千餘人、八月四日戊
申、行幸吉野宮、十一日乙卯、置新羅投化者
於下毛野、九月乙亥朔、詔諸國司、凡造戶籍、
一依戶令、十一日乙酉、以將巡狩紀伊、下詔
勿收京師今年租賦、十三日丁亥、行幸紀伊、

二十三日丁酉、新羅遣使護送遣唐學問僧、
 及軍丁筑紫人大伴部博麻、○類聚國史至
 筑紫、二十四日戊戌、車駕還宮、冬十月五日
 戊申、行幸吉野宮、二十二日乙丑、褒大伴部
 博麻顯節、授位務大肆、二十九日壬申、令太
 政大臣高市皇子率百官相藤原宮地、十一
 月十一日甲申、始行元嘉曆與儀鳳曆、十二
 月十二日甲寅、行幸吉野宮、十四日丙辰、還
 宮、十九日辛酉、行幸藤原相宮地、公卿百寮

皆從、二十三日乙丑、賞賜公卿以下有差、
 五年辛卯、春正月癸酉朔、授位於親王諸臣
 內親王女王內命婦等、○公事根源曰、女叙
 位蓋始于此、按帝王
編年記、天武帝十三年乙酉、始授
 婦女位階、本書所不載、未知何據、十四日丙
 戌、直廣肆筑紫史益、勤恪二十九年、詔褒其
 勞、授食封五十戶、賜綿布稻、十六日戊子、行
 幸吉野宮、二十三日乙未、還宮、二月壬寅朔、
 授宮人位記、三月五日丙子、觀馬御苑、夏四
 月辛丑朔、詔曰、凡祖先所免奴婢、既除籍者、

其親族等不得更訴為奴婢十六日丙辰行

幸吉野宮二十二日壬戌還宮六月戊子今○

推甲子、是月庚子朔、無戊子、疑戊午之訛、戊午十九日也、詔曰、今夏淫雨

過節、恐必傷稼、思念厥愆、夕惕迄朝、其令公

卿百寮、禁斷酒肉、攝心悔過、京畿諸寺僧、誦

經五日、庶有應焉、二十日己未、大赦天下、但

盜賊不在赦例、自四月雨至、是月不止、京師

及郡國四十大水、秋七月三日壬申、行幸吉

野宮、是日、伊豫國司田中法麻呂、獻宇和郡

所出白金及鈔、七日丙子、宴公卿賜朝服、十

二日辛巳、車駕還宮、八月二十三日辛酉、遣

使祭龍田風神、信濃須波水內等神、九月九

日丁丑、淨大參川島皇子薨、冬十月戊戌朔、

日有食之、八日乙巳、詔曰、凡山陵置五戶以

上、諸王有功者置守塚三戶、若陵戶不足、充

以百姓、免其徭役、三年一代、十三日庚戌、置

長生地於畿內及諸國、是日行幸吉野宮、二

十日丁巳、還宮、二十七日甲子、遣使鎮祭新

益京

○釋日本紀曰新益京謂藤原宮地

十一月戊辰朔大嘗

二十五日壬辰賜衾公卿二十八日乙未公

卿以下至主典賜宴賚絹有差丁酉晦神祇

官諸司及播磨因幡郡司以下至百姓男女

奉事大嘗者賜食賚絹各有差

六年壬辰春正月十二日戊寅天皇觀新益

京路十六日壬午饗百官二十七日癸巳行

幸高宮二十八日甲午還宮二月十一日丁

未以將幸伊勢詔諸司辦備衣物十九日乙

卯赦輕繫中納言直大貳三輪高市麻呂上

表諫方農時遠幸三月三日戊辰以淨廣肆

廣瀨王直廣參當麻智德直廣肆紀弓張等

為留守高市麻呂詣闕免冠極諫不聽六日

辛未行幸伊勢十七日壬午免車駕所過神

郡及伊賀伊勢志摩今年調役授其國造等

冠位從駕騎士諸司荷丁及造行宮役夫亦

免今年調役大赦天下但盜賊不在赦例十

九日甲申賜所過志摩百姓男女年八十以

上稻人五十束、二十日乙卯、車駕還宮、所過郡縣會吏民、勞賜作樂、二十九日甲午、詔免近江美濃尾張參河遠江等從駕騎士戶、及諸國荷丁、造行宮役夫、今年調役、賜天下百姓男女困窮者稻、夏四月五日庚子、除四畿內民為荷丁者、今年調役、二十五日庚申、詔赦繫囚、五月七日辛未、相模獻赤烏雛、十二日丙子、行幸吉野宮、十六日庚辰、還宮、十七日辛巳、遣大夫謁者祭名山岳瀆祈雨、二十

三日丁亥、遣淨廣肆難波王等鎮祭藤原宮地、二十六日庚寅、遣使奉幣伊勢、大倭、住吉、紀伊大神、告造新宮、閏月三日丁酉、大水、遣使巡行郡國、稟貸遭災不能自存者、弛山林池澤禁、詔京畿講金光明經、乙酉、○今推甲子、是月無乙酉、乙蓋己之訛、己酉十五日也、詔筑紫太宰率河內王等上送唐使郭務悰為天智帝所造阿彌陀像、六月九日壬申、敕郡國長吏禱名山岳瀆、十一日甲戌、遣大夫謁者於四畿內祈雨、癸巳

晦、天皇觀藤原宮地、秋七月二日乙未、大赦
 天下、但十惡盜賊不在赦例、相模國司布勢
 色布智、御浦郡少領、姓名及獲赤烏者鹿島
 櫛樟並授位賜物、免本郡調役三年、七日庚
 子、賜宴公卿、九日壬寅、行幸吉野宮、二十八
 日辛酉、還宮、是夜、熒惑歲星相鬪、八月三日
 乙丑、赦、十七日己卯、行幸飛鳥皇女田莊、即
 日還宮、九月九日辛丑、遣班田大夫於四畿
 內、十四日丙午、神祇官上神寶書四卷、鑰九

木卯、二十一日癸丑、伊勢國司獻嘉禾、越
 前國司獻白蛾、冬十月十二日癸酉、行幸吉
 野宮、十九日庚辰、還宮、十一月八日戊戌、新
 羅貢調、十二月二十四日甲申、遣使奉新羅
 調於伊勢、住吉、紀伊、大倭、菟名足五社、
 七年癸巳、春正月二日壬辰、詔令天下百姓
 著黃衣、奴皂衣、十三日癸卯、賜京畿年八十
 已上有位者衾、絕綿布、十六日丙午、賜京師
 男女年八十以上、及窮乏者布、有差、是日、漢

久奏踏歌、二月三日壬戌、新羅遣使赴其喪、
 十日己巳、詔造京司衣縫王等、瘞其所發掘
 之骸、三月庚寅朔、日有食之、五日甲午、賜大
 學博士上百濟食封三十戶、以優儒道、六日
 乙未、行幸吉野宮、十三日壬寅、還宮、十六日
 乙巳、賜新羅主賻、十七日丙午、詔令天下勸
 植桑、紵、梨、栗、蕪菁、夏四月十七日丙子、遣大
 夫謁者祈雨諸社、五月己丑朔、行幸吉野宮、
 七日乙未、還宮、十五日癸卯、設無遮大會於

内裏、秋七月七日甲午、行幸吉野宮、十四日
 辛丑、遣大夫謁者祈雨諸社、十六日癸卯、復
 如之、是日、車駕還宮、八月戊午朔、車駕巡行
 藤原宮地、十七日甲戌、行幸吉野宮、二十一
 日戊寅、還宮、九月丁亥朔、日有食之、五日辛
 卯、行幸多武峯、○多武峯略記引古記曰、七
 年九月、天皇敕定慧和尚、為
先帝講妙經五日、因六日壬辰、還宮、十日丙
幸多武峯、臨其會、申、為天武帝設無遮大會於内裏、悉赦繫囚、
 冬十月二十三日己卯、始講仁王經於諸國

四日、○元享釋書、濫觴鈔並曰、今年冬十月、講仁王最勝、二經於宮中立、為恒式、

十一月五日庚寅、行幸吉野宮、十日乙未、還

宮、十二月二十一日丙子、遣陣法博士等講

武諸國、是歲、近江益須郡醴泉出、

八年甲午、春正月十六日庚子、饗百官、○是

十一年、本書每年必書、其為恒例可知、故是後不書、二十一日乙巳、行

幸藤原宮、即日還宮、二十四日戊申、行幸吉

野宮、○本書還宮日闕、三月甲申朔、日有食之、二日

乙酉、以直廣肆大宅麻呂、勤大貳臺八島、黃

書本實為鑄錢司、十六日己亥、詔曰、粵以七

年歲次癸巳、醴泉出於近江益須郡都賀山、

諸病者宿益須寺、飲之多差、其給水田四町、

布六十端、免益須郡今年調役雜徭、國司頭

以下至目、進位一階、其先得醴泉者葛野羽

衝、百濟土羅羅女賜純二匹、布十端、鍬十口、

二十二日乙巳、奉幣諸社、二十三日丙午、賜

神祇官頭至祝部一百六十四人純布、各有

差、夏四月七日庚申、行幸吉野宮、丁亥、○本

本作丁未、今推甲子、是月無丁亥、還宮、五月

六日戊子、賜宴公卿大夫、十一日癸巳、分置

金光明經一百部於諸國、每年正月上旬讀

之、以其國官物為布施、六月八日庚申、河內

更荒郡人刑部韓國獲白山鷄獻之、因授進

廣貳賜物、并授本郡大少領位各一級、秋七

月四日丙戌、遣巡察使於諸國、九月壬午朔

日有食之、四日乙酉、行幸吉野宮、冬十月二

十日庚午、授飛驒荒城郡獲白蝙蝠者弟國

部第日進大肆、賜絕綿布、終身免戶役、十一

月二十六日丙午、赦殊死以下、十二月六日

乙卯、遷居藤原宮、九日戊午、百官拜朝、十日

己未、親王以下至郡司、賜絕綿布各有差、十

二日辛酉、宴公卿大夫、

九年乙未、春閏二月八日丙戌、行幸吉野宮、

十五日癸巳、還宮、三月二日己酉、新羅王遣

其子良琳貢獻、請國政、十二日己未、行幸吉

野宮、十五日壬戌、還宮、二十三日庚午、遣務

廣貳文博勢、進廣參下諸田於多禰、求蠻所居、夏五月二十一日丁卯、觀大隅隼人相撲、六月三日己卯、遣大夫謁者、祈雨於京畿諸社、十六日壬辰、賜諸臣年八十以上、及痼疾者、各有差、十八日甲午、行幸吉野宮、二十六日壬寅、還宮、秋八月二十四日己亥、行幸吉野、九月乙巳朔、還宮、四日戊申、原放繫徒、六日庚戌、遣直廣肆小野毛野、務大貳伊吉博德于新羅、冬十月十一日乙酉、行幸菟田吉

隱、十二日丙戌、還宮、十二月五日戊寅、行幸吉野宮、十三日丙戌、還宮、十年丙申、春二月三日乙亥、行幸吉野、十三日乙酉、還宮、三月三日乙巳、行幸二槻宮、夏四月二十七日戊戌、以伊豫風速郡物部藥肥後皮石郡壬生諸石、久苦于唐地、並授位追大貳、免調役、賜水田四町、稻一千束、絕絲布、鍬、二十八日己亥、行幸吉野、五月四日乙巳、還宮、六月十八日戊子、行幸吉野、二十六

日丙申、還宮。秋七月辛丑朔、日有食之。二日壬寅、赦。十日庚戌、太政大臣高市皇子薨。本

書後皇子尊、今據公卿補任、釋日本紀、

十一年丁酉、春正月十一日戊申、賜天下鰥

寡、孤、獨、篤、癯、貧、不能自存者稻、各有差。二月

十六日壬午、立皇孫珂瑠為皇太子。按文武

太子、續日本紀、係是年、而無月日、今據釋日本紀、引王子枝別記、二十八日

甲午、以直廣壹當麻國見為東宮太傅、直廣

參路跡見為大夫、直大肆巨勢粟持為亮、三

月八日甲辰、設無遮大會於東宮、夏四月四

日己巳、授滿選者淨位、至直位有差、七日壬

申、行幸吉野宮、十四日己卯、還宮、五月八日

癸卯、遣大夫謁者、祈雨諸社、六月、天皇不豫、

二日丁卯、赦、六日辛未、詔讀經於京畿諸寺、

十九日甲申、班幣神祇、秋七月七日辛丑、赦

常饜盜賊。○常饜盜賊不可解、按釋日本一紀亦曰、饜字可考、今從舊文、

百九人、因賜布人四常、但畿外者稻人二十

束、八月乙丑朔、○續日本紀作甲子朔、與本

書異、今按曆法、實為甲子、今

姑從舊文、水鏡、一代禪位於皇太子、稱曰太

上天皇、太上天皇據續日太上天皇之號、始

于此、濫觴鈔、一代要大寶二年十二月二十

二日甲寅崩、書享年闕、皇胤紹運錄、神皇正

統記、一代要記遺詔停素服舉哀、文武百官

視事如常、送終之儀、務從儉約、三年、火葬于

飛鳥岡、祔于大内山陵、謚曰大倭根子天之

廣野日女尊、續日本紀追謚曰持統天皇

大日本史卷之十二終、會於東宮、及四月四

